

## Sindicato SEPPA ta aplaudi esaki

# Un ministro masculino a asumi responsabilidad y yuda muhernan cu zwangerschapsverlof

ORANJESTAD (AAN):  
Sindicato SEPPA tambe den  
e ultimo simannan a mira e  
anuncio di Ministro Booshi  
Wever encuanto  
Zwangerschapsverlof.

Ministro Wever a duna di conoce cu su persona a percursa pa di awor padilanti e hende muhernan na estado, den espera, ta haya 6 siman di verlof como zwangersschapsverlof y tambe 6 siman despues di parto como bevalingsverlof. Di e forma aki, segun Ministro Wever a mehora e posicion di nos hende muhernan aki na Aruba, door di 'trek recht' e situacion aki den forma igual cu e trahadornan femenino cu ta traha den sector publico.

Aunke S.E.P.P.A. tabata representa sector publico y defacto esnan den e sector aki ta haya 12 siman total, S.E.P.P.A. for di aña 1999 a bin ta luchando contra e discriminacion aki y e tempo aya caba nos a manda diferente carta na Gobierno e tempo ey, Gabinete Eman, principalmente na e hende muhernan cu tabata forma parti di e Gobierno, pues e hende muhernan cu tabata sinta den e posicion pa analiza, argumenta, defende e posicion di hende muher.

Igualmente, SEPPA a manda diferente carta na esnan den coalicion y oposicion y sindicatonan pa busca e forma pa elimina e discriminacion grandi aki.

Pero nada!

Pues, toch e ta un hecho di aplaudi cu un Ministro asumiendo su responsabilidad como mandatario, un hende homber porcierto a traha riba e asunto aki pa awe toch algo sosode...pa e hende muher

Aunke, e Ministro no ta bisa esaki, nos sa si cu e accion aki, ta acompaña pa trabaonan di otro coleganan femenino, sigur di Mervin Ras, nos ex-colega di lucha Señora Glenda Gil, kendenan tambe ta lucha pa e ley aki.

Di otro banda, nos no por tira un banda y lubida cu pa añanan largo, e trahador femenino den sector priva tabata ricibi menos di loke e tabatin derecho riba dje! Y di esaki si, ningun hende ta papia di dje.

Ta asina cu e convenio di ILO, riba proteccion di maternidad, riba su mes ta

bisa bon cla cu e permiso di maternidad mester ta di un duracion di al menos 14 siman. Esaki ta pa proteha tanto e salud di e mama y di e yiu, e permiso di maternidad ta inclui un periodo di permiso obligatorio despues na e parto, e trahador femenino aki mester tin

alomenos 6 siman o  
alomenos cu acorda algo  
diferente, pero cu en todo  
caso esaki no por ta menos.

Pues, loke cu nos ta wak cu aki na Aruba, tur trahador femenino cu mester haci uso di e derecho riba verlof pa maternidad ta ricibi y lo sigui ricibi e minimo cu e

combenio ta stipula...  
MInimo, y ya cu ta gusta  
compara cu otro paisnan,  
laga nos bisa en comparacion  
cu hopi pais eyfor, hasta  
esnan di mas pover cu nos, e  
hende muher ta ricibi mas..  
na momento di espera y  
parto!

# Loke tempo ta mustra

# Ola tropical den e area aki

ORANJESTAD (AAN): Un Ola Tropical cu Diadomingo atardi tabata move Pabao riba parti Zuidoost di Caribe, tin indicacion cu ta bay cruza region local awe Dialuna.

Aunke ta anticipa cu e sistema di tempo aki lo debilita un poco durante di su pasashi riba parti central di Laman Caribe, aumento di

humedad lo induci desaroyo  
di nubianan cu lo ocasiona  
awacero riba parti di e  
islanan Aruba, Bonaire, y  
Curacao.

Pronostico di tempo pa awe  
ta mustra cu cielo por ta  
parcialmente nubla, y mainta  
por spera localmente algo di  
awacero. Tin chance pa  
lamper y strena.

Biento ta modera te basta fuerte for di pariba entre 20 te 39 km/h. Den dia of durante di awacero, de vez en cuando biento ta fuerte te duro den rafaga entre 40 y 61 km/h.

Altura di olanan riba laman grandi rond di Aruba ta entre 1,0 y 2,0 meter.

# E DIVORCIO AMARGO!!



## BEST DEAL


**Tel: 5827100**

**(Pariba di Aruba Bank, Paradera)**

## BEST SHOPPING DEAL

## Turibana Plaza

**Tel: 5865455**



## Deep Fryer Afl. 79,95